

ALLEEN HET GESPROKEN WOORD GELDT

Os twidde debat in t plat. Wat un fiest. In de taal van mien hert, over un ongerwerp det mich aan t hert geit. Want os museumvisie geit in de kern over wie wae os verbonge veule. Mit os erfgoed, mit kunst, os cultuur en doomit auch verbonge mit elkaar, mit os verleje, mit t verhaal van Limburg en mit ut immateriële, iets det groeter is dan os zelf. Waardevol verbonge is daarom un hiele passende titel.

Dees visie geit neet allein over os 3 provinciale musea, os boegbeelde wor we trots op zien. Of t nou t Bonnefante, Discovery of t Limburgs Museum is. Ze zien uniek en vertille op hun eige meneer ut verhaal van Limburg en loate os un stuk van os identiteit zeen. Mer dees visie guf auch, noa aanleiding van os motie, aandacht aan al die angere kleinere of wat groetere musea die os provincie riek is. Want juus bij dees musea zuus se det de impact op en verbinging mit de gemeinsjap groet is. Vaak door alle vrijwilligers die hun hert aan “hun” lokale museum verpand hebbe.

Mer truuk noa os 3 provinicale musea. De naam zeet ut al. Ut zien al decennia “os” musea. En iets wat van dich is of bij dich huurt, doa hees se as good hoesvader of mooder vur te zorge. Oeht ut visitatierapport kwaam as belangriekste conclusie det ze de basis mer moeilijk op orde kinne hoije door priesstijginge van veural personeel en energie. Loat stoon det ze de ambities mierjoarig woar kinne blieve make. Mer auch ongerhaod en knelpunte in gebouwe en de depots vroage aandacht. Good det vur de verdere toekomst de meugelikhede vur un gezamenlijk depot ongerzocht weare. As CDA zien we dus veur de structurele verhuuging van de middele van in totaal 2,4 mln.

Des unne haup geld, mer doa kriege en wille we as CDA auch ger get vur truuk.

As irste de toegang. Doa heb ich tiedes de commissie auch al over gesproke. Vur os as CDA en **auch** as belangriekste doel oet os beleidskader steit det ilke Limburger in contact mot kinne komme mit os cultuur. Det vinge we in ut huidige veurstel neet zat geborgd. In de de 6 criteria geit toegankelijkheid mier over publieksbereik en dus gedacht vanoet de musea ipv gedacht vanoet de inwoeners oet Limburg.

Want net wie mit os taal zou ook os eige cultuur dich mit de papelel ingegeave motte weare. Mer helaas is ut vur un deil van os inwoeners neet zoe vanzelfsprekend um un museum te bezeuke (cijfers voorbeeld) En doomit vur veul kinger auch neet. Daarom zien educatie en sjoelbezeuke auch zoe belangrijk. Want woar se as kink mit in aanraking kums kin se later verder ontwikkele. In det verbank

ALLEEN HET GESPROKEN WOORD GELDT

wil ich auch Os Limburgs Museum en Museum op locatie nog beneume. Want in ut verzorginsthehoes of via Kirchroi tropical bereik se ech anger publiek. De gedeputeerde heed mich un toezegging gedoan um nag us mit de 3 musea um toafel te goan. Bij die verdieping op toegankelijkheid wille we as CDA 2 zake mitgeave; focus op de jeugd en kiek us good of de huidige regeling wel werke (oa van arriva) En kiek bij betaalbaarheid breier as allein noa minse mit un smaal portemonnee. Want as uitje vur un gemiddeld gezin kin se goodkauper dich de ganse daag in un zwumbad of binnespeultuin amusere. Kin de gedeputeerde doa op reflectere?

2. Middele van anger overhede. Good det Mestreech en Vinnel goan mitbetale. Want dees musea doon get vur ut economische vestigingsklimaat en de culturele infra in hun stad. Mer auch ut riek mot eindelijk us over de bruk komme. De gelde vur cultuur zien zoe sjeif verdeild, en auch os ambitie vur un eige rijksmuseum geave neet op. Ik vroag ut college um te doon wat nuddig is um dit te bereike. En daarom verbaast ut os eigenlijk det Cultuur neet ein van de 8 lobby proposities is. Gir uch reflectie doa op.

3. Dan last but not least os derde punt

Os motie kleine musea. Good det heij aandacht vur kump en det dur erkenning is in os musuemvisie vur al dees musea. (Van mijnmuseum tut ut historisch Museum in Postert, van ut Museum van de vrouw tut ut Petersshoes in Gennep) Want precies wie "os" 3 provinciale musea hebbe dees musea stuk vur stuk dezelfde oehdtgingen um de basis op orde te kriege en te hoije. Wea zeen de regeling en de veurluipige opzet mit belangstelling tegemoet en goan dur vanoet det der aandach is vur oa digitalisering, beveiliging en ut zeuke van bestsuursleje en vrijwilligers. In dees motie sprake we auch over de neije museale concepte. Dees weak hebbe we nag de opzet van un museaal concept in ut Annapark gekrege. Det liekt un sjoene kans en toegevoegde waarde um de culture infra in Noord Limburg ech te versterke. Zoe wie we det in os coalitie akkoord opgesjeve hebbe Mer vur we doa wier over kinne kalle wille we irst gear un perspectief van os college; wie um te goan mit neije musea en specifiek mit dit Noord Limburgse initiatief. (Det makt wat os betreft de motie prematuur. We wachte det perspectief van os college irst us aaf.) Wil gear un toezegging det ut college doa mit aan de slaag geit.